

贈送品

大悲心出相陀羅尼

石溪蘭若敬印



大慈悲心出陀羅尼
懺經暨

全一冊

倡	敬	佛	西	印
印	印	歷	歷	送
者：	者：	二	二	處：
釋	隱	五	四	石
心	名	八	年	溪
明	氏	年		蘭
法				若
師				



千手千眼大悲懺法

南無大悲觀世音菩薩

三昧
出觀

一切恭敬

一心頂禮十方常住三寶

一拜起立
主懺白云

是諸眾等

各各胡跪

嚴持香花

如法供養

願此香花雲

遍滿十方界

一一諸佛土

無量香莊嚴

具足菩薩道

成就如來香

我此香花徧十方。以爲微妙光明臺。諸天
音樂天寶香。諸天肴膳天寶衣。不可思議

妙法塵。一一塵出一切塵。一一塵出一切
法。旋轉無碍。互莊嚴。徧至十方三寶前。十
方。法界三寶前。悉有我身修供養。一一皆
悉徧法界。彼彼無雜無障碍。盡未來際作
佛事。普熏法界諸眾生。蒙熏皆
發菩提心。同入無生証佛智。

供養已一切恭敬

南無過去正法明如來。現前觀世音菩薩。成

妙功德。具大慈悲。於一身心。現千手眼。照見
法界。護持眾生。令發廣大道心。教持圓滿神
咒。永離惡道。得生佛前。無間重愆。纏身惡疾
莫能救濟。悉使消除。三昧辯才。現生求願。皆
令果遂。決定無疑。能使速獲三乘。早登佛地。

威神之力。歎莫能窮。故我一心歸命頂禮。

一心頂禮本師釋迦牟尼世尊

諸位皆須五體投地。勤重致禮。想云。能禮
所禮性空寂。感應道交。難思議。我此道場
如帝珠。釋迦如來影現中。我身影現釋迦
前。頭面接足。皈命禮。至禮阿彌陀佛。卽云。
阿彌陀佛影現中云云。禮法想云。真空法
性如虛空。常住法寶。難思議。我身影現法

寶前。一心如法皈命禮。禮僧準上禮佛。但
改爲菩薩等唯禮觀音云。爲求滅障接足
禮。此是懺悔主故耳。觀本號畢。
維那引磬一聲。眾起。下同例。

一心頂禮西方極樂世界阿彌陀世尊

一心頂禮過去無量億劫千光王靜住世尊

一心頂禮過去九十九億殑伽沙諸佛世尊

一心頂禮過去無量劫正法明世尊

一心頂禮十方一切諸佛世尊

一心頂禮賢劫千佛三世一切諸佛世尊

一心頂禮廣大圓滿無碍大悲心大陀羅尼

神妙章句

三稱三拜。想云。法性如空。不可見。常住法寶難思議。我今三業

如法請。惟願
顯現受供養。

一心頂禮觀音所說諸陀羅尼及十方三世

一切尊法

一心頂禮千手千眼大慈大悲觀世音自在

菩薩摩訶薩

三稱三拜。想云。能禮所禮性
空寂。感應道交難思議。我此

道場如帝珠。大悲菩薩影現中。我
身影現大悲前。爲求滅障接足禮。

一心頂禮大勢至菩薩摩訶薩

一心頂禮總持王菩薩摩訶薩

一心頂禮日光菩薩月光菩薩摩訶薩

一心頂禮寶王菩薩藥王菩薩藥上菩薩摩

訶薩

一心頂禮華嚴菩薩大莊嚴菩薩寶藏菩薩

摩訶薩

一心頂禮德藏菩薩金剛藏菩薩虛空藏菩

薩摩訶薩

一心頂禮彌勒菩薩普賢菩薩文殊師利菩
薩摩訶薩

一心頂禮十方三世一切菩薩摩訶薩

一心頂禮摩訶迦葉無量無數大聲聞僧

一心頂禮闡天台教觀四明尊者法智大師

一心代爲善吒梵摩瞿婆伽天子。護世四王
天龍八部。童目天女。虛空神。江海神。泉源
神。河沼神。藥草樹林神。舍宅神。水神。火神。
風神。土神。山神。地神。宮殿神等。及守護持
呪一切天龍鬼神。各及眷屬。頂禮三寶。

此一段唯

啟請用

頂禮畢。問訊主。鳴磬。眾

胡跪。上香。主按磬。舉云

經云若有比丘比丘尼優婆塞優婆夷童男

童女欲誦持者於諸眾生起慈悲心先當

從我發如是願

眾隨舉

以下一字
一擊引磬

南無大悲觀世音
南無大悲觀世音
南無大悲觀世音
南無大悲觀世音

願我速知一切法
願我早得智慧眼
願我速度一切眾
願我早得善方便